

**ხელშეკრულება**  
**სახელმწიფო შესყიდვების შესახებ №1/90**

ქ. ბათუმი

22 მაისი 2019 წ.

ერთის მხრივ, *სსიპ – „ბათუმის ბულვარი“*, დირექტორის ირაკლი ჯინჭარაძის სახით, (შემდგომში – “შემსყიდველი”) და მეორეს მხრივ *შპს „სანნა“*, დირექტორის სოფიო მინდელის სახით, (შემდგომში – “მიმწოდებელი”), „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების მე-2 მუხლის „ა“ ქვეპუნქტისა საფუძველზე ვდებთ წინამდებარე ხელშეკრულებას შემდეგზე:

**1. ხელშეკრულების საგანი**

- 1.1. ხელშეკრულების საგანია **საოფისე დივანის** გამარტივებული შესყიდვა, (შემდგომში – “საქონელი”), შემსყიდველი კისრულობს ვალდებულებას გადაიხადოს მისი ღირებულება ხელშეკრულებით დადგენილი წესით;
- 1.2 კლასიფიკატორის (CPV) კოდი და კლასიფიკატორის დანაყოფი - 39100000 ავეჯი. კლასიფიკატორის (CPV) კოდი და შესყიდვის კონკრეტული ობიექტი - 39113200 პატარა დივნები.
- 1.3 დაფინანსების წყარო: სსიპ ბათუმის ბულვარის საკუთარი შემოსავლები.
- 1.4 შესაძენი საქონლის დასახელება და რაოდენობა მოცემულია **დანართი №1-ში**.

**2. ღირებულება და ანგარიშსწორების წესი.**

- 2.1. მთლიანი სახელშეკრულებო ღირებულება შეადგენს (დ.დ.გ.-ს ჩათვლით) **799,20 (შვიდასოთხმოცდაცხრამეტი ლარი და ოცი თეთრი)** ლარს.
- 2.2. საქონლის ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი.
- 2.3. შემსყიდველის მიერ მიწოდებული საქონლის ღირებულების ანაზღაურება მოხდება უნაღდო ანგარიშსწორების წესით, მიმწოდებლის მიერ ფაქტიურად მიწოდებული საქონლის მიხედვით, შესაბამისი მიღება-ჩაბარების აქტის გაფორმებისა და ანგარიშფაქტურის წარმოდგენის შემდეგ 10 (ათი) სამუშაო დღის განმავლობაში.
- 2.4. თუ შემსყიდველის მიერ ხელშეკრულებით განსაზღვრული მისაწოდებელი საქონლის მოცულობების ღირებულებამ არ შეადგინა აღნიშნული ხელშეკრულებით გათვალისწინებული თანხა, ასეთ შემთხვევაში შემსყიდველი გადაუხდის მიმწოდებელს ფაქტიურად მიწოდებული საქონლის მოცულობების ღირებულებას. აღნიშნულიდან გამომდინარე მიმწოდებელს პრეტენზია არ უნდა გააჩნდეს მიუწოდებელი საქონლის მოცულობების ანაზღაურებაზე.

**3. ხელშეკრულების ინსპექტირების პირობები**

- 3.1. ხელშეკრულების შესრულების კონტროლს განახორციელებს სსიპ “ბათუმის ბულვარი“-ს ადმინისტრაციული სამსახურის შტატგარეშე თანამშრომელი, დამხმარე სპეციალისტი სამეურნეო უზრუნველყოფის სპეციალისტი (მომმარაგებელი) გოჩა მამულაძე (61002019838).
- 3.2. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე მათ შორის საქონლის ხარისხის პერიოდული ინსპექტირება.
- 3.3 იმ შემთხვევაში თუ შემსყიდველი ინსპექტირების მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

3.4. მიწოდებელი ვალდებულია საკუთარი ხარჯებით განახორციელოს მიღება-ჩაბარების აქტის გაფორმებამდე გამოვლენილი ყველა ნაკლის აღმოფხვრა.

#### **4. საქონლის შესაბამისობა და მიღება – ჩაბარება**

4.1. საქონელი უნდა შეესაბამებოდეს შემსყიდველის მიერ მოთხოვნილ სტანდარტებს.

4.2. 4.1. პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

4.3. თუ შესყიდვის ობიექტი არ შეესაბამება ხელშეკრულების პირობებს, შემსყიდველი ვალდებულია არ მოაწეროს ხელი საქონლის მიღება-ჩაბარების აქტს, ხოლო მიმწოდებელი ვალდებულია გამოსწოროს შესაბამისი ნაკლი.

4.4. მიღება-ჩაბარების აქტის გაფორმების და მასზე ხელმოწერის შემდეგ, მიმწოდებელი არ არის პასუხისმგებელი ნივთის ნაკლის გამოსწორებაზე.

4.5. საქონლის მიღება-ჩაბარება ხორციელდება ფაქტიურად მიწოდებული საქონლის მიღება-ჩაბარების აქტის გაფორმებისა და ანგარიშ-ფაქტურის (ინვოისის) წარმოდგენის შემდეგ, საქონლის მიწოდების ადგილზე.

#### **5. საქონლის მიწოდების ვადა ადგილი და ფორმა**

5.1 საქონლის მიწოდების ვადა განისაზღვროს ხელშეკრულების გაფორმებიდან 2019 წლის 20 ივნისის ჩათვლით.

5.2 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.

#### **6. მხარეთა უფლება-მოვალეობანი**

6.1. შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის სრული დაცვით.

6.2. შემსყიდველი ვალდებულია:

ა) მიმწოდებელს წინასწარ გააცნოს ყველა იმ გარემოების შესახებ, რომელიც შეიძლება წარმოიშვას ხელშეკრულებით გათვალისწინებული საქონლის მიწოდებისას.

ბ) საქონლის მიწოდების დამოწმებიდან 10 (ათი) სამუშაო დღის განმავლობაში მოახდინოს მიმწოდებელთან ანგარიშსწორება.

გ) მიმწოდებელს აუნაზღაუროს ამ ხელშეკრულებით გათვალისწინებული პირობებით სახელმწიფო შესყიდვის სრული ღირებულება, საქონლის მიწოდების დასრულებისთანავე.

6.3. შემსყიდველს უფლება აქვს:

ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

ბ) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

6.4. მიმწოდებელი ვალდებულია:

ა) დაიცვას ხელშეკრულებით გათვალისწინებული ყველა პირობა.

ბ) შემსყიდველის მოთხოვნისთანავე მიაწოდოს საქონელი.

6.5. მიმწოდებელს უფლება აქვს:

ა) მოსთხოვოს შემსყიდველს მიწოდებული საქონლის შუალედური და საბოლოო ანაზღაურება ხელშეკრულებით გათვალისწინებული პირობებით.

## **7. მხარეთა პასუხისმგებლობა ხელშეკრულების პირობების დარღვევისას**

- 7.1. თუ მიმწოდებელი არ ასრულებს საქონლის მიწოდებასთან დაკავშირებულ თავის ვალდებულებებს ხელშეკრულებაში მითითებულ ვადებში შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები.
- 7.2. შემსყიდველს უფლება აქვს მიმწოდებელს შეუწყვიტოს ხელშეკრულების შესრულება წერილობითი ფორმით შეტყობინების შემდეგ მიმწოდებლის მიერ მისი ვალდებულებების ან მისი ნაწილის შეუსრულებლობის შემთხვევაში თუ:
- ა) მიმწოდებელმა არ მიაწოდა საქონელი ხელშეკრულებაში მითითებულ ვადებში.
  - ბ) თუ მიმწოდებელმა არ შეასრულა ხელშეკრულებით გათვალისწინებული სხვა თავისი ვალდებულებები.
- 7.3. თუ მიმწოდებელი არ ასრულებს ხელშეკრულებით გათვალისწინებულ პირობებს, შემსყიდველი უფლებამოსილია მიმწოდებელს დააკისროს პირგასამტეხლოს გადახდა ხელშეკრულების ღირებულების 0.02%-ის ოდენობით ყოველ ვადაგადაცილებულ დღეზე.
- 7.4. შემსყიდველის მიერ ხელშეკრულებით გათვალისწინებულ ვადაში მიმწოდებლისათვის მიწოდებული საქონლის ღირებულების გადახდის დაგვიანების შემთხვევაში, მიმწოდებელი უფლებამოსილია შემსყიდველს დააკისროს პირგასამტეხლოს გადახდა მომსახურების ღირებულების 0.02%-ის ოდენობით ყოველი ვადაგადაცილებული დღისთვის.
- 7.5. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 2%-ს, მიმწოდებელს უფლება აქვს ვადამდე ადრე შეწყვიტოს ხელშეკრულება.
- 7.6. ჯარიმისა და პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან.

## **8. ხელშეკრულებაში ცვლილებების შეტანა ან შეწყვეტა**

- 8.1. ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 8.3. ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.
- 8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 8.5. მხარეს შეუძლია უარი თქვას ვალდებულების შესრულებაზე, თუ მეორე მხარე აშკარად არღვევს წინამდებარე ხელშეკრულებით განსაზღვრულ მოთხოვნას.
- 8.6. თუ ხელშეკრულების დადების შემდეგ აღმოჩნდება, რომ არსებობს რეალური საშიშროება იმისა, რომ მიმწოდებელი არ შეასრულებს თავის ვალდებულებას ჯეროვნად და კეთილსინდისიერად, შემსყიდველი უფლებამოსილია ვადაზე ადრე მოითხოვოს წინამდებარე ხელშეკრულების შეწყვეტა
- 8.7. წინამდებარე ხელშეკრულება შეიძლება შეწყდეს ვადაზე ადრე მხარეთა შეთანხმების საფუძველზე.
- 8.8. ხელშეკრულება შეიძლება შეწყდეს აგრეთვე საქართველოს სამოქალაქო კოდექსით გათვალისწინებული სხვა შემთხვევებში.
- 8.9. ერთ-ერთი მხარის ინიციატივით წინამდებარე ხელშეკრულების ვადაზე ადრე შეწყვეტის თაობაზე მეორე მხარეს უნდა ეცნობოს დაუყოვნებლივ.

## **9. ხელშეკრულების მოქმედების ვადა**

9.1 წინამდებარე ხელშეკრულება ძალაშია 2019 წლის 22 მაისიდან და მოქმედებს 2019 წლის 30 აგვისტოს ჩათვლით პერიოდში.

## **10. ფორს-მაჟორული სიტუაციები**

10.1. მხარეები არ არიან პასუხისმგებელნი თავიანთ ვალდებულებათა სრულად ან ნაწილობრივ შესრულებაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ექსპორტისა და იმპორტის აკრძალვა, თუ ისინი უშუალო ზემოქმედებას ახდენენ ხელშეკრულების შესრულებაზე.

10.2. ხელშეკრულების შესრულების ვადა გადაიწევს შესაბამისი დროით, ფორს-მაჟორული გარემოებათა დასრულების შემდეგ.

10.3. მხარეს, რომელსაც შეექმნა ფორს-მაჟორული გარემოება, დაუყოვნებლივ უნდა აცნობოს წერილობით ამის შესახებ მეორე მხარეს. ამასთან მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

## **11. სადაო საკითხების გადაწყვეტა**

11.1. შემსყიდველმა და მიმწოდებელმა ყველა დონე უნდა იხმაროს, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

## **12. გადასახადები და ბაჟები**

12.1. მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

## **13. გარანტია**

13.1 მიმწოდებელი იძლევა გარანტიას, რომ მოწოდებული საქონელი იქნება ახალი, ხარისხიანი და დააკმაყოფილებს შემსყიდველის მოთხოვნებს.

## **14. შეტყობინება**

14.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

14.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

## 15. სხვა პირობები

15.1. ყველა სხვა საკითხი, რაც გათვალისწინებული არ არის ამ ხელშეკრულებით გადაწყდება მოქმედი კანონმდებლობის შესაბამისად.

15.2. ხელშეკრულება შედგენილია ოთხი თანაბარი იურიდიული ძალის მქონე ეგზემპლარად და ინახება მხარეებთან.

## 16. მხარეთა იურიდიული მისამართები და რეკვიზიტები

<p style="text-align: center;"><b>“შემსყიდველი”</b></p> <p style="text-align: center;">სსიპ “ბათუმის ბულვარი”</p> <p>მის: კ.გამსახურდიას ქ. №2,  <b>ტ: 27 88 08</b>                  სახელმწიფო ხაზინა                  კოდი: TRESGE22,                  ანგ. №740387519                  ს/კ №245630786</p> <p>სსიპ “ ბათუმის ბულვარი” -ს დირექტორი</p> <p style="text-align: right;">-----/ი.ჯინჭარაძე/</p>	<p style="text-align: center;"><b>„მიმწოდებელი”</b></p> <p style="text-align: center;">შპს “სანნა“</p> <p>მის: ქ.ბათუმი, გორგილაძის N88  <b>ტ: 577-15 49 13</b>                  სს „ბანკი ქართუ”                  კოდი: CRTUGE22                  ანგ.№GE45CR0120002010173602                  ს/კ 404508154</p> <p>შპს “სანნა“-ს დირექტორი</p> <p style="text-align: right;">-----/ს.მინდელი/</p>
---	---

დანართი №1

## ფასების ცხრილი

N	საქონლის დახასიათება	განზ. ერთეული	რაოდენობა	ერთეულის ფასი (ლარი)	საერთო ღირებულება (ლარი)
1	დივანი GEDVED 154X85X84სმ რუხი MDF/პოლ1/1	ცალი	1	799,20	799,20
<b>სულ ჯამი:</b>					<b>799,20</b>